

Nº 11.


Mat. 32.

TE HEHEURAA API

NOVEMA 1938.

Te Parau Apî No Te Fenua
Tiaraa HIERO I Navu.

Apatoerau.



Apatoa

TE HOHO'A FENUA TIA MAU TEIE O
TE AUA NO TE HIERO.

I TE 20 no Febuare i te matahiti 1937, ua hoo mai
te Ekalesia a Iesu Mesia i te Feia Mo'a i te Mau

Mahana Hopea Nei, i te fenua *Tiaraa Hiero* i Navu, Ilinoi. Na te hoê taeae no te Ekalesia, o Wilford C. Wood to'na i'oa, i faaoti i taua ohipa nei. Ua aufau oia e 900 tara moni Amerika no te reira fenua, e roaa ihora ia'na te parau-fatu raa. Haere atura Wilford i Roto Miti, horoa'tura oia i te reira parau-fatu-raa i te Peretiteni o te Ekalesia, ia Hebera J. GARRANATA.

Te neneihia nei teie hohoa fenua, e teie parau faaite, i roto i teie ve'a ia ite to te mau Amaa atoa i tei paeau moana nei, i te huru mau o te aua Hiero i Navu, i teie nei. Ua neneihia a'enei teie hohoa fenua e te parau faaite i roto i te hoê ve'a na te Ekalesia, (The Improvement Era, April 1937, Vol. 40, N° 4; June 1937, Vol. 40, N° 6.) Ua nenei atoa hia hoi teie parau faaite i roto i te tahi atu â mau ve'a, i Utaha e i Ilinoi hoi.

Te faaite papu mai nei te hohoa o te fenua i te faito tia mau o te mau tufaa fenua i taua vahi ra. Ua parauhia te tatoaraa o te tuea rahi, *Te aua no te Hiero*. Te vahi tiaraa Hiero ra, tei roto ia i te tuea tei tapaohia e te reni ereere roa. Te tufaa fenua iti o tei tapaohia i te numera '1', o te fenua ia no te Ekalesia Sanito, e teie te rahiraa o taua fenua iti ra oia hoi, e 80 avae i te roa, e e 60 avae i te aano. No te hoê taata, o Charles Reimbold to'na i'oa, te fenua i tapaohia e te numera '2', e teie te rahiraa o to'na fenua, oia hoi, e 187 avae i te roa, e e 78 avae i te aano. Te toea o te fenua i roto i taua tuea ra (tei tapaohia e te numera '3'), o to te Ekalesia *Moromona* ia fenua, e ua hoohia mai te reira i te 20 no Febuare i te matahiti 1937. No te Ekalesia Moromona atoa te tufaa fenua o tei tapaohia e te numera '4' e ua hoohia mai te reira i te 17 no Eperera i te matahiti 1937. No te tahi atu â mau fatu na tufaa fenua toe ra, o tei tapaohia e te numera '5' e te '6'.

O teie ia te faito tia mau no te niu no te Hiero, oia hoi, e 128 avae i te roa, e e 88 avae i te aano. Te vai ra te hoê apoc pape i roto i te Hiero, e ua rave noa hia te pape, i rei-

ra, e
zoraa
pe ra

Ua
mai te
hoê fa
mau o

ve i ta

Eah
hoi, te
tei ma
tai i t
pohera
tua i t
ai te re

Te r
haama
pheta
Aposet
raa. U
Atua i
hia na

No r
rave i t
Amaa.
tu to'na
No reir
roto i t
toa i ro
mau to

ra, e te mau metua o te Ekalesia ei pape no te au'a bapetizoraa i roto i te Hiero. Ua tapaohia te vahi no taua apoo pape ra e te tapao 'o'.

Ua mauruuru roa to te Ekalesia no te mea ua roaa faahou mai teie nei fenua, e ua opuahia, e te Ekalesia, ia patu i te hoê fare i nia iho i taua fenua ra, ei fare haamana'oraa i te mau ohipa tei tupu i Navu a vai ai te Ekalesia i to'na apîraa.

Papaihia e Rarefa, Orometua.

EDITORIALE.

Ua parau atura Iesu i Ta'na mau pîpî, *Te taata i hinaaro i te pee mai ia'u, e faarue oia ia'na iho, e rave i ta'na satauro, a pee mai ai ia'u.* (Mareko 8:34.)

Eaha iā ta tatou ravea ia rave i to tatou iho satauro, oia hoi, te Evanelia, maori ra ia pee tatou i muri i te mau taata tei maitihia e te Atua ei aratai no tatou. Na Iesu iho i aratai i te Ekalesia a faaea'i oia i nia i te ao nei, e mai to'na poheraa e tae roa mai i to tatou nei tau, ua maiti noa te Atua i te tahi mau aratai ei feia faatere no te Ekalesia a vai ai te reira i nia i te ao.

Te na ô mai nei te irava tumu e, — *a pee mai ai ia'u.* Ia haamana'o maitai tatou e, ua maiti-mau-hia to tatou Pero-pheta ra o Hebera J. GANATA; ua maiti mau-hia te mau Aposetolo e te mau taata toroa i raro a'e i ta ratou faatere-raa. Ua faatoroahia ratou paatoa ia faatere i te ohipa a te Atua i nia i te ao nei, e ia rave i te mau ohipa atoa i faataahia na ratou.

No reira, te maiti noa nei â te mau taata toroa ia tatou ia rave i te ohipa a te Fatu, i roto i te mau toroa i roto i te mau Amaa. E ia maitihia e ia faatoroa-hia te hoê taata, iti noa'tu to'na toroa, te faaroo nei matou e, ua maiti-mau-hia oia. No reira, e mea tia roa ia tatou, oia hoi, te mau taata atoa i roto i te Ekalesia a te Fatu nei, ia faatura i te mau taata atoa i roto i to tatou mau Amaa. Eiaha tatou e feii i to ratou mau toroa; ia tauturu râ tatou ia ratou. E mea tia roa ia na

reira tatou, no te mea e, ia patoi, e a ore ra, ia hamani ino tatou ia ratou, e riro te reira ei patoiraa e ei hamani inoraa i te mau Orometua, te mau Aposetolo, e te feia toroa paatoa i roto i te Ekalesia. E ia na reira tatou ia ratou, e na reira hoi tatou i te Mesia. Ia ore e tia ia tatou ia pee na muri i to Iesu mau tavini, eita atoa ia e tia ia tatou ia pee na muri la'na e ia haapao atoa i Ta'na mau faaneraa.

Papaiha e Rarefa, Crometua.

TE PARAU AUTAHU'ARAA.

Haapiiraa no te Ava'e DITEMA.

A Haapii I te Parau No te Oro'a.

[*Sabati matamua*]

1. Ua faatiahia te Oro'a no te Pane e te Pape e te Mesia i to'na faaeearaa i rotopu i te ati Nephi.

2. Ia haapao tatou i te mau mea i faaitehia i roto i na pure Oro'a e tia'i.

A tatara e a haapii i teie parau mai te au i tei faaitehia i roto i te Buka a Moromona, III Nephi 18:1-14.

[*Sabati piti.*]

E mea tia ia haaputuputu pinepine tatou no te raveraa i te Oro'a no te Pane e te Pape.

A haapii i teie parau mai te au i tei faaitehia i roto i te Buka a Moromona, III Nephi 18:22-27.

[*Sabati toru.*]

E mea tia ia rave te taata i te Oro'a mai te aau au.

A ui atu i te tahi mau uiraa i nia iho i te parau tei papaihia i roto i te Buka a Moromona, III Nephi 28-35.

[*Sabati Maha.*]

A haapii atu i te huru no te haapaoraa i te Oro'a.

Eaha ia te huru no ta Iesu haapiiraa i te haapaoraa i te Oro'a i te ati Nephi? III Nephi 20:2-10.

Na Te Mau Maapii Mahaere na te mau Utuafare.

TE PURE.

Ua riro te pure ei ravea ia tauturu ia tatou i te raveraa e te faaotiraa i ta tatou mau ohipa.

E mea tia ia rave tatou i te mau ohipa ma te itoitoe e te maitai, e ia faatere i to tatou mau utuafare mai te hau e te mārū. Ia na reira tatou e farii ihoa tatou i te mau haamaitairaa e au ia tatou no ô mai i te Atua i te ra'i ra.

Eaha ia te hoê ravea o tei horoahia mai e te Atua ei tauturu ia tatou i roto i ta tatou mau ohipa'toa, māori ra, te pure. No reira, ia amui te mau melo no te utuafare i te tai-me po'ipo'i, e te ahiahi hoi, no te pure atu i te Atua e maitai ai.

Ia faahaehaa tatou i to tatou mau aau; aroha'tu tatou i to tatou taata tupu. Ia tamata hoi tatou ia riro ei pīpī mau na Iesu, e rave i te ohipa mai te au i tei faaitēhia mai e Ana.

Mau irava tauturu: Mataio 6:14-15, 24, 33; 7:18.

TE SOTAIETE VAHINE TAUTURU.

Haapiiraa no te Ava'e DITEMA.

Irava Tamau Aau: Hiro'a Faaroo: Irava 13.

Te faaroo nei matou e, eiaha e eiā, eiaha e haavare, eiaha hoi e taiata, ei aau maru ra, e te viivii ore e te hamani maitairaa'tu i te taata atoa. E ia na ô tatou i te faaitēraa'tu te pee nei tatou i te a'oraa a Paulo: "Te faaroo nei matou e te tiai nei hoi i te mau mea atoa ra." E rave rahi te mau mea i faaoromaihia e matou, e te hinaaro nei hoi matou e ia itoitoe matou i te faaoromai i te mau mea atoa ra. E mai te mea te vai atura te hoê mau mea tia ra, e te mau mea viivii ore ra, e te mau mea poupouhia ra, e te mau mea roo maitatai ra, e feruri maite ā ia matou i te reira.

Mahana Maha (Matamua).

A haapii i te paran tei papaihia i roto i te Iakoko 1:26-27, e te I Ioane 4:20-21.

A faaau i teie nei irava i te irava 13 no te mau Parau Ma-

tamua o to tatou faaroo. (Irava tamau aau).

Mahana Maha (Piti).

A tamau i te irava 7 o te Hiro'a Faaroo, e a faaaui i te reira i teie mau irava:

Mareko 16:17-18; Ohipa 3:6; Iakobo 5:14-15;

I Korinetia 12:8-10; Moromona 9:7-11.

Mahana Maha (Toru).

A tamau i te Hiro'a Faaroo 9 e a faaaui i te reira i teie mau irava: Apok. 1:1; Mat. 16:17-19; Isaia 29:11-12; Ezekiel 37:16-19; Isaia 29:14-18.

Mahana Maha (Maha)

Ua au ihoa te irava 10 o te Hiro'a Faaroo i teie mau irava: Ohipa 1:10-11; Ieremia 31:10; Isaia 11:12-13; Apokalupo 20:1-7; Roma 8:21-23.

Mahana Maha (Pae)

A faariro i teie mahana ei mahana raveraa ohipa, e a ore ra, ei mahana hi'opoaraa.

HAAPIIRAA SABATI.

Haapiiraa no te Ava'e DITEMA.

Irava tamau aau: *Exodo 20:16-17.*

Eiaha roa oe e pari haavare ia vetahi ê. Eiaha roa oe e nounou i to vetahi ê ra fare, eiaha atoa oe e nounou i ta vetahi ê ra vahine, e to'na tavini tane, e to'na tavini vahine, e ta'na puaatoro, e ta'na asini, eiaha atoa i te mau mea atoa na vetahi ê ra.

NA TE PUPU 3 e te 4.

Ditema 4. Ua haapii atu o Alama i te atî Gideona i te ravea ia faaoaoa i to ratou oraraa. (Alama 7.)

1. Ua haere o Alama i hea ?
2. E feia parau tia anei te atî Gideona ?
3. Eaha te parau ta Alama i a'o atu ia ratou ?
4. Eaha ta'na parau no nia i te tatarahapa ?

Ditema 11. E mea rahi a'e te mau mea i titauhia i te feia ite, i te feia ite ore. (Alama 8-9.)

1. Ea
2. O
3. Ua
4. Ea

Dite

1. E
2. U

Dite

1. Te

2. Ea
3. O

E hi'o
ai i taua
inu i te
hi ai te
pae.

Dite

Dite

Te par
ta'tu par

Ditema

„

„

„

1. Eaha te mau oro'a ta Alama i haapao ?
2. O vai tei patoi ia'na ?
3. Ua aha te mau taata ia'na ?
4. Eaha ta Alama parau a'o i te atī Amoniha ?

Ditema 18. No te pure o te feia parau tia i
faahereherehia'i te feia parau tia ore. Alama 10.

1. E huaai o Amuleka no vai ?
2. Ua aha o Abinadi i te mau auvaha ture ?

Ditema 25. Te mau mea hnru ê i te faatere-
raa o te Hau e te faatereraa o te
Ekalesia i te oire ra o Amoniha. Alama 11.

1. Te mau haava,—a. Ua farii ratou i ta ratou moni mai te au i te aha ?
b. E taata maitatai anei ratou ?
2. Eaha te huru no ta te atī Nephi moni tumu ?
3. O vai teie taata ra o Zeezeroma ?

NA TE PUPU PITI

Irava tamau aau: I Korinetia 11:28-30.

E hi'opoa maite râ te taata ia'na iho, a amu ai oia i taua pane ra, a inu ai i taua a'ua ra. O tei amu hoi e o tei inu ma te au ore ra, ua amu ia e ua inu i te pohe no'na iho, oia aore i hi'o i te tino o te Fatu ra. No reira i rahi ai te pohe ma'i e te paruparu i roto ia outou na e, i taoto ai hoi te tahi pae.

Ditema 4 e te 11. A haapii i te moemoea a Lehi.
I Nephi 8: 11.

Ditema 18 e te 25. To Iesu Mesia faaiteraa la'na iho i te
atī Nephi. III Nephi 11.

NA TE PUPU PARAIMERE

Irava tamau aau: Himene N° 5, irava 3.

Te papu ra te parau pure i te mau tamarii; I te mau parau atoa nei, ai-ta'tu parau rahi.

Ditema 4. E ao to tei mâ te aau; e ite hoi ratou i te Atua. Mat. 5;8.

" 11. To Iesu haereraa i nia i te tai. Mataio 14:22-33.

" 18. E oti te mau ohipa atoa i te feia faaroo. Mareko 4:35-41.

" 25. Te titau nei te Atua i te bapetizoraa e te
tuuraa rima ia ô te mau taata atoa i ro-
to i te Basileia o te Atua. Ioane 3:1-16.

TE FEIA API.

OHIPA NO TE AVA'E DITEMA.

Irava tamau aau: Alama 39:8.

Inaha ra, aita e tia ia oe ia huna i ta oe mau hapa i te Atua ra; e ia ore oe ia tatarahapa i te reira, e riro ia ei faaiteraa hapa ia oe i te mahana hopea ra.

>>>><<<<

E Haapiiraa No Nia I

TE MAU HAAPIIRAA A TE PEROPHETA.

Tei iritihia e RAREFA Orometua.

O vai te tia ia farii i te mau Heheuraa?

Aita roa tatou i auraro i te fariiraa i te hoê heheuraa na te hoê taata, e a ore ra, na te hoê vahine, maori ra ua faataahia e ua faatoroahia oia no taua mana ra. E mea tia hoi ia faaite oia i te hoê parau haapapuraa no taua toroa ra.

E ere ia i te mea au i te Atua ia farii te mau melo atoa o te Ekalesia i te mau parau faaite na te feia i faatoroahia. No reira, e mea faufaa ore ia farii te Ekalesia i taua mau heheuraa ra; area ra, ia farii ihoa te hoê taata i te hoê orama, e a ore ra, te hoê heheuraa mai te hoê ve'a no te ra'i mai, e riro taua ohipa ra ei faufaa no taua taata ra, no te mea e horoa ihoa te Atua i te mau oro'a, te mau ohipa e te mau fafauraa no te Ekalesia, i te taata tei ia'na te mau taviri no te Basileia, oia hoi i te Peretiteni no te Ekalesia.

Te Mau Uiraa:

1. Ua auraro anei tatou i te heheuraa i fariihia e te tahi atu â mau melo ê no te Ekalesia?
2. E mea tia râ ia farii tatou i ta ratou mau heheuraa ra, mai te mea e, ua ahahia ratou no taua ohipa ra?
3. E tia hoi ia faaite mai ratou i te aha no taua ohipa ra?
4. E ohipa au anei teie, oia hoi, ia farii te mau taata paa toa i te tahi mau heheuraa no te ohipa a te Ekalesia? No te aha?
5. Ia farii mai te mau melo i te hoê orama, mai te hoê ve'a no te ra'i mai, e mea nafea taua heheuraa ra? E faufaa te reira ia vai?

6.

7.

E m
to i taIa f
tou i
BasileIa h
roa ia
tatou
Mai te
ravera
mai m
muri iIa h
o te A
haava
ino teIa r
tou i r
pa pa
paari.
mea mE m
Oia, eIa fa
i te ma
mau m
pa a te

6. E horoa mai te Atua i te mau **aha** i te Peretiteni no te Ekalesia ?

7. Eaha te tumu no to te Atua horoaraa mai i taua mau ohipa ra i te Peretiteni no te Ekalesia ana'e ?

Haapiiraa Piti No Nia I

TE MAU HAAPIIRAA A TE PEROPHETA.

Tei iritihia e RAREFA Orometua.

E mea ê te hi'oraa i te Basileia o te Atua i te tomoraa i roto i taua Basileia ra.

Ia faahuru-ê-hia to tatou aau, e ia farii e ia haapao hoi tatou i te mau ohipa i titauhia i te taata ia haapao no taua Basileia ra, e tomo ihoa tatou i roto.

Ia hinaaro tatou i te haere i te vahi o te Atua, e mea tia roa ia riro tatou mai Ia'na iho te huru, oia hoi, ia noaa ia tatou te iteraa i te mau *ohipa Atua* no taua toroa Atua ra. Mai te mea eita tatou e haafatata mai i te Atua na roto i te raveraa i te mau ohipa a te Atua, e haere ê atu ihoa tatou mai mua'tu Ia'na; e ia na reira tatou e pee ihoa tatou na muri i te varua ino, oia hoi i te varua faahemaraa.

Ia hi'opoa tatou ia tatou iho. Ua au anei tatou i te huru o te Atua ? Te vai nei te mau taata hi'ohi'o, te mau taata haavare, te mau taata faaturi, e e rave rahi atu â te mau peu ino te ravehia nei e to te ao nei.

Ia rave tatou i te mau ohipa a te Diabolo, e mau ihoa tatou i roto i te tapearaa a Satane, e mo'e ihoa ia tatou te ohipa parau tia e te ravea hoi ia noaa mai ia tatou te ite e te paari. Ia haapao tatou i te mau peu ino, e tia anei ia vai te mea maitatai i roto ia tatou ?

E mea maitai anei te Atua ? E mai te mea e mea maitai Oia, e ere anei ia i te mea tia ia maitai atoa tatou ?

Ia faarahi tatou i to tatou iho faaroo, e ia amui noa tatou i te mau peu maitai i ta tatou ohipa tumu; a imi noa â i te mau mea mâ. Ia roaa mai te ite na roto i te raveraa i te ohipa a te Atua.

HIRO'A FAAROO 12. Te faaroo nei matou e, eiaha e eiâ, eiaha e haavare, eiaha hoi e taiata, ei aau maru ra, e te viivii ore e te hamani maitairaa'tu i te taata atoa. E ia na ô tatou i te faaiteraa'tu te pee nei tatou i te a'oraa a Paulo: "Te faaroo nei matou e te tia nei hoi i te mau mea atoa ra." E rave rahi te mau mea i faaoromaihia e matou, e te hinaaro nei hoi matou e ia itoito matou i te faaoromai i te mau mea atoa ra. E mai te mea te vai atura te hoê mau mea tia ra, e te mau mea viivii ore ra, e te mau mea poupouhia ra, e te mau mea roo maitatai ra, e feruri maite â ia matou i te reira.

Te Mau Uiraa:

1. A tatara mai i te parau e, *E mea huru ê te hi'oraa i te Basileia o te Atua i te tomoraa i roto i taua Basileia ra?*
2. Ia hinaaro tatou i te riro ei Atua mau, eaha ia ta tatou ravea?
3. E mea papu roa, ia ore tatou e haafatata ia tatou iho i te Atua, e aha ihora tatou?
4. Eaha te tumu e tia ia hi'opoa tatou ia tatou iho?
5. Eaha ia te tupu i roto ia tatou, mai te mea e rave â tatou i te mau peu ino?
6. Te rave nei anei te Atua i te ohipa au ore i te Basileia teitei?
7. Eaha te huru o te ohipa e tia ia tatou ia tamau, ei ravea ia ô tatou i roto i te Basileia teitei?
9. A tatara mai i te irava 13 o te Hiro'a Faaroo.

Haapiiraa Toru No Nia I

TE MAU HAAPIIRAA A TE PEROPHETA.

Tei iritihia e RAREFA, Orometua.

O te hopea o te ao nei, o te haamouraa ia o te feia parau tia ore. E ere râ ia i te haamouraa o te fenua nei, mai te au i tei manaohia e te tahi mau taata. Ia tae taua taime ra e amuihia te mau mea atoa, e i reira hoi e tupu mai ai te mau tohuraa atoa ta te mau peropheta i tohu mau, mai te mata-mua mai â.

E tauturu hoi te mau melahi i taua ohipa ra, no te mea e, o ratou ia te feia ooti. (*O te enemi i ueue ra, o te diabolô ia; te auhune ra, o te hopea ia o teie nei ao; e te feia ooti ra, o te mau melahi ia.* (Mataio 13:39.)

E n
ahi, o
atu te
i te m
i to r
mau.

ratou
hia ra
o to r
parau
maiti
te feia
mai i
ra: te
A tai'

1. C
2. E
3. E
4. E
5. O
6. E
7. E
8. E

Ua k
pairaa
matahi
ru ma
pha ia
hia te l

E mai te raverāa i te zizania e te tutuirāa i te reira i te au-ahi, o te huru mau iā o te hopea o te ao nei, oia hoi, e haere atu te mau tavini o te Atua mai te a'o atu i te parau faaara i te mau opu e te mau nunaa'toa, e e faaetaeta to te ao nei i to ratou aau e e patoi ratou i te maramarama o te parau mau. E i reira e vaiihohia ratou i roto i te pōiri e e vai noa ratou i roto i te mauui o to ratou faahaparaa. E tapea noahia ratou i reira no te mea, e mau ihoa ratou i te mau hape o to ratou faaroo. E faaineinehia ratou no te tupuraa o te parau a te Faaora o Iesu Mesia, oia hoi, *E tono mai te Tamaiti a te taata i ta'na mau melahi, e na ratou e haaputu ē i te feia faatupu i te hapa e tei rave atoa i te parau ino no roto mai i to'na ra basileia. A huri atu ai i roto i te umu auahi ra: tei reira te oto e te auauraa niho.* (Mataio 13:41-42).

A tai'o atoa i te parau tei papaihia i roto i te Mataio 13:34-51.

Te Mau Uiraa:

1. O vai iā te haamouhia i te hopea o te ao nei?
2. Eaha iā te haamouhia i reira?
3. Eaha te tahi ohipa e tupu mai?
4. Eaha ta te mau melahi ohipa? Eaha te tumu ratou e rave ai i taua ohipa ra?
5. O vai te haere atu i te mau opu e te mau nunaa'toa?
6. E au te tutuirāa i te zizania i te aha?
7. Eaha te tumu ratou e mau ai i roto i te mauui a to ratou faahaparaa?
8. E faaineinehia ratou no te aha?

Haapiiraa Maha No Nia I Te

BUKA A MOROMONA

Ua haamata Iosepha, te Peropheta, i te iriti i te mau papairaa Aiphiti no te Buka a Moromona i te ava'e Ditema i te matahiti 1827. Ia oti rā na apī parau e hoē hanere e hoē ahuru ma ono i te papaihia ei reo Baretane, faatia ihora Iosepha ia afaihia'tu, e Maratini, taua iritiraa ra, e ua afai atoa hia te hoē mau papairaa Aiphiti ia Tehare Anatone e ia Sa-

muela Mitehela. E na taata paari e te ite hoi raua e ua tu'i to raua roo no te ite i te tai'oraa i te mau huru parau êê ra.

Ua na ô maira taua na taata paari ra, e iritiraa tia te reira o tei hau atu i te mau iritiraa atoa i itehia e raua, e horoa maira o Anatone i te hoê parau faatiaraa i te reira iritiraa. Ua faaite atura Maratini ia Anatone i te huru o te tuuraahia mai no taua mau apî auro ra, e i reira, aui atura Anatone ia Maratini, ia faaho'i mai i taua parau faatia ra. Rave maira e haehae roa ihora o Anatone i te reira parau e ua na ô maira, ua ore te tau no te fâraa mai o te mau melahi i te taata nei. E taua na apî e hoê hanere e hoê ahuru e ma ono i iritihia ra ei reo Baretane, ua afaihia ia i ô i te fare na Maratini, e i reira i eiahia'i e te enemi e aore ia i ite-faahou-hia.

Te Mau Uiraa:

1. Eaha te reo tumu no te Buka a Moromona?
2. I nafea i iritihia'i taua papairaa ra?
3. Eaha te ohipa ta Iosepha i faatia ia Maratini ia rave?
4. E hia apî ta'na i afai atu?
5. Ua afaihia taua mau apî ia vai?
6. Eaha te huru o teie na taata nei?
7. Eaha te huru o ta raua parau no nia i te huru o taua mau apî ra?
8. A tatara mai i te huru o te ohipa tei tupu mai?
9. E mea nahea te haamo'eraahia taua mau apî ra?

Parau tumu: *Buka Fafau, pene 3.*

HAAPIIRAA PARAIMERE.

No te Ava'e DITEMA

Irava tamau aau: *Ioane 13:34.*

E tuu atu van i te parau apî na outou, E aroha outou ia outou iho, mai ia'u e aroha'tu ia outou na, e aroha atoa hoi outou ia outou iho.

PARAU FAAITE:

Aita te mau haapiiraa na te Pūpū Paraimere i neneihia i roto i te Heheuraa Apî nei, i teie nei ava'e. Tera ra, te haponohia nei ta outou mau haapiiraa ra i te mau Peretiteni o te mau pūpū Paraimere i roto i te mau Amaa. A farii mai na outou i taua mau haapiiraa ra e a haapii atu i te reira parau maitai i te mau tamarii, ia maramarama ratou i te mau haapiiraa no te Evanelia.

No te Rave Huna i Te Hara.

E RAVE rahi tei farii i te mau parau maitai i haapiihia e to te Ekalesia i teie anotau, mai teie te huru: “eiaha e faaturi, eiaha e taiata, eiaha e taparahi i te taata, eiaha e eiâ: eiaha e inu i te ava, e eiaha e puhipuhi i te avaava,” e e rave rahi atu â te mau mea i haapiihia.

Area râ, te vai ra i roto i te Ekalesia nei te tahi mau taata o tei hinaaro i te rave huna i te hara mai te mana'o e, eiaha roa ia e iteahia e te taata.

Mai teie te huru: ‘tei te Ekalesia te hoê taata toroa; te tupu noa ra to’na hinaaro i te hoê vahine, farerei ihora raua, hohoro atura i te hoê vahi mo’emo’e e taoto huna ihora, aore te hoê taata i ite noa’tu.

E tae a’era i te hoê tau arearearaa, rave atura te hoê taeae i te hapaina ava e ua nevaneva haere noa’tura to’na mata, na ô a’era oia: “Eiaha roa te hoê taata no te Ekalesia e ite mai ia’u i te inuraa.” No reira, inu a’era oia e haere atura.

Te vai atoa ra te hoê vahine no te Ekalesia, e no to’na hinaaro rahi i te puhipuhi i te avaava, haere tia’tura oia i te mau taata no rapae i te Ekalesia, ani atura i te avaava, huna ihora i te reira avaava e i to’na taeraa i te vahi mo’emo’e puhipuhi huna’tu ai oia ma te mana'o e, aita te hoê taata i ite.

Te rave-noa-hia nei â te mau hara mai teie te huru i roto i te Ekalesia. E ia tupu te hinaaro i roto i te taata ia rave i taua mau hara ra, e tupu i reira te mana'o i roto ia’na i te haere i te vahi mo’emo’e rave ai i te hara, eiaha te mata o te taata e ite. E afai ra oia i ta’na mau hara i mua i te aro o te Atua e Ta’na mau melahi ia hi’o ratou. Ua rahi to’na mātā’u i to te Ekalesia, aita râ oia i mātā’u i te Atua.

Te na ô maira te Bibilia: *O te Atua te mata’u atu, e haapao i ta’na parau; o ta te taata atoa ia e ati noa’e.* (Koheleta 12:13).

Ua na ô maira Iesu e, ia hinaaro te taata i te rave i te ohipa maitai roa ra, eiaha te mata o te taata ia ite, maori râ, o

to Metua ana'e i te ao ra. E ite ihoa te Atua i te mau ohipa maitai atoa ta tatou e rave nei, e e ite hoi Oia i te mau ohipa ino atoa i ravehia e te taata; e mai te mea aita te hoê ohipa ino i itehia e te taata, e mea papu roa e, ua ite-ihoa-hia te reira e te Atua.

E homa e, a ara maitai i teie huru mana'o ia tupu noa'tu. Ia haamana'o hoi tatou e, E hopoi atoa te Atua i te mau parau atoa i te haavaraa, e te mau mea mo'e atoa ra, te maitai e te ino atoa ra. (Kohéleta 12:14).

Papaihia e Gahau â Keha.

TE MAHANA O TE FATU.

HORE te Fatu i faaroaroa i ta'na i parau maira, mai ta te tahi pae i parau ra e, e faaroaroa; e faaoromai rahi râ to'na ia tatou, aita roa i hinaaro e ia pohe atu te hoê, ia noaa paatoa râ te tatarahapa.

E tae mai râ te mahana o te Fatu mai te eiâ i te rui ra: e pee ê atu ai teie nei ra'i ma te haruru rahi, e mou hoi te mau mea rii tumu i te veavea rahi, e te fenua hoi e te mau ohipa i niâ iho, e pau ia i te auahi.

E teie nei, e mou ana'e taua mau mea atoa nei mai te aba to outou huru e tia'i i te haapoo maitai e te paieti: i te tiairaa e te ruraa'tu ia tae mai taua mahana o te Atua ra, te mahana e mou ai te ra'i i te tutuihia i te auahi, e e tarapape te mau mea rii tumu i te veavea rahi?

Te tatari nei râ tatou i te ra'i apî e te fenua apî ta'na i parau maira, i te vai-mau-raa o te parau-tia ra.

E teie nei, e au mau here e, o te reira mau te mau mea ta outou e tia'i na, e faaitoito, e haapapu hua ia roohia mai outou e ana ma te hau, ma te porao ore e te hapa ore.

2 Petero 3:9-14.

I te 3
TENETA
Te ho'i
Ua poro
mau taan
ve. Ia h

Ua ta
a'enei, o

Te fa
retiteni
to'na i'o
vahine, e
merika r
pepe rii

Ua tae
ohipa a t
hia oia e
na mata
matahiti
ra. A ra
titeniraa
hiti, oia h
parau no

I roto
roa na ta

TEPIK
ua bapeti
hiti rii i r
Amanu.

VIRIA
10 no Ato
to'na met

MAPU
he oia i T
heai.

TUROI
he atura o

TERIHE
bapizohi
hana e 15

TE MAU PARAU API:

I te 30 no te ava'e Atopa i mairi a'enei ua reva'tu na Orometua ra o TENETA Wilde raua o RAREFA Taylor na nia te pahi auahi ra, o Hauraki. Te ho'i nei raua i to raua fenua ai'a ia rave faahou i ta raua ohipa tahito. Ua poro haere raua i te Evanelia i na matahiti e piti e te afa i rotopu i te mau taata i teie paeau moana nei, e e mea rahi te ohipa maitai ta raua i rave. Ia haamaitaibia raua i ta raua mau ohipa atoa i te fenua atea roa.

Ua tae mai na Orometua api i Papeete nei, i te 14 no Atopa i mairi a'enei, o IOANE Richards e o LAVORA Chapman to raua na i'oa.

Te faaite mai nei te hoê ve'a no Roto Miti mai e, ua pohe roa te Peretiteni o te Peretiteniraa o te pûpû Hitu Ahuru, o J. Goladena KIMEBERA to'na i'oa. I te 2 no te ava'e Setepa i mairi a'enei, te haere ra raua e ta'na vahine, e te tahi na taata, na nia i te pereoo uira i te hoê tufaa fenua i Amerika ra. o Nevada. Huri ihora taua pereoo ra e pohe roa a'era oia. Ua pepe rii hoi ta'na vahine e na taata toe i roto i te pereoo.

Ua tae a'enei o Goladena i te 85 o to'na matahiti, e ua rave itoitoe oia i te ohipa a te Ekalesia i te taatoaraa o to'na oraraa i nia i te ao nei. Ua maitihia oia ei Orometua i te matahiti 1883; poro haere ihora oia i te Evanelia i na matahiti e piti i te mau tufaa fenua i te pae apatoa i Amerika. E i na matahiti e ono i muri a'era ua maitihia oia ei Peretiteni no taua iho Misioni ra. A rave ai oia i te reira ohipa ua faatoroahia oia ei melo i roto i te Peretiteniraa o te pûpû Hitu Ahuru. Rave ihora oia i taua ohipa ra e 47 matahiti, oia hoi, mai te matahiti 1891 e tae roa mai i to'na poheraa. Aita â te parau no to'na mono i tae mai.

I roto i te ava'e i mairi a'enei, ua tae mai te parau faaite, ua pohe roa na taata toopae no te Ekalesia i teie paeau, oia hoi, o:

TEPIKI â PAINARA: Ua fanauhia oia i Makemo i te matahiti 1876, e ua baptizohia oia ei melo i roto i te Ekaiesia i te matahiti 1917. Na matahiti rii i muri a'e i te reira, ua maitihia oia ei peretiteni no te Amaa ra i Amanu. Pohe atura oia i roto i te 63 o to'na matahiti.

VIRIAMU PERRY: Te hoê tamaiti oia a Beni PERRY. Ua pohe oia i te 10 no Atopa i roto i te 43 o to'na matahiti e ua tanuhia oia i roto i te aua o to'na metua tane i Hamuta, Tahiti nei.

MAPU â VAIRAE: Ua fanauhia oia i Anaa i te matahiti 1860, e ua pohe oia i Takaroa i te 17 no Setepa. E 78 to'na matahiti i te taime oia i poheai.

TUROIINA â TUIRA: Ua fanauhia oia i Taega i te matahiti 1872. Pohe atura oia i Takaroa i te 20 no Setepa i te 66 o to'na matahiti.

TERIHEI â MAURIRERE: Ua fanauhia oia i te matahiti 1912 i Marutea, e ua baptizohia oia i te 18 no Setepa i teie iho matahiti nei (1938). E i na mahana e 15 i muri a'e i to'na baptizoraa, pohe roa'tura oia,

Te faaite mai nei te hoho'a i raro nei i te huru faito o te puai o te mau nuu faehau o te tahi mau hau, mai tei faaitehia i roto i te ava'e Setepa i mairi a'enei. Ua nenei atoa-hia te rahiraa o te taatoaraa o te faehau o taua mau hau ra.

Rutia. Nuu faehau: 19,490,000	Italia. Nuu faehau: 6,294,355	Farani Nuu faehau: 6,198,637	Purutia. Nuu faehau 2,118,000	Techeko Slovakia Nuu faehau 1,875,000	Baretane. Nuu faehau 1,111,711	Peretita. Nuu faehau 761,441	Amerika Nuu faehau 474,378
-------------------------------------	-------------------------------------	------------------------------------	-------------------------------------	---	--------------------------------------	------------------------------------	----------------------------------

Te hoê hoho'a teie o te faito i te puai pahi o taua mau hau ra.

Baretane. 381 pahi: 1,700,000 tane	Rutia ? ?	Amerika. 412 pahi: 1,300,000 tane	Farani. 204 pahi: 730,000 tane	Italia. 271 pahi: 550,009 tane	Purutia. 116 pahi: 400,000 tane
--	-----------------	---	--------------------------------------	--------------------------------------	---------------------------------------

O teie ia te rahiraa o te mau taata i roto i taua mau hau ra:

Rutia, 166 milioni; Italia 43 milioni; Farani 42 milioni; Purutia, 66 milioni; Techeko, 15 milioni; Baretane, 47 milioni; Peretita, 8 milioni; Amerika, 125 milioni.

Te vai noa nei â te mau peapea e te mau tama'i i rotopu i te mau hau o te ao nei. Te tama'i noa nei â te Tinito e te Tapone, e aita â te Paniora i hau. Ua tupu atoa te tahi mau tama'i iti i rotopu i te tahi mau hau i Europa. Te faarahi nei te mau hau atoa i to ratou mau mauhaa tama'i, to ratou mau nuu faehau e to ratou mau nuu pahi.

Tei te hoê taata Baretane te ré no te puai o to'na tere na nia i to'na pereoo uira. O Tihoti EYSTON te i'oa o taua taata tuiroo ra. I te 26 no te ava'e Setepa i pau a'enei ua tere oia e 357 maile i te hora hoê i te hoê tufaa fenua i Amerika ra, i Utaha. Ua hau roa'tu ra te puai o te tere o to'na pereoo uira i te mau pereoo uira atoa. Ua riro te rê piti i te tahi taata Baretane, o Ioane COBB to'na i'oa. Ua tae oia i te 350 maile i te hora hoê.

Te hoo o teie nei ve'a:

E pae farane i te matahiti hoê;

E hoê ahuru farane no na matahiti e toru.

Neneihia i roto i te Piha Neneiraa a te Ekalesia a Iesu Mesia

I Te Feia Mo'a I Te Mau Mahana Hopea Nei.

Papeete, Tahiti.

Marcel Bonnet Gérant

Kenneth R. Stevens, Imprimeur.

Rue Dumont d'Urville, Orovini, Papeete, Tahiti.